



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N

911-3163

< 08 11 2021թ.

Էդգար Գիվարգիզովին

Հասցե՝ ք.Երևան, Արտաշիսյան 45/21 շ. բն. 24

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180029722 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առիթը՝ <3> թերթ:

Պետ,

ոստիկանության գնդապետ՝

Ա. Ումրշատյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 07.10.2021թ-ին կայացված թիվ 8180029722 որոշումը բեկանելու և վարչական իրավախախտման վերաբերյալ գործի վարույթը կարճելու մասին

« 08 » 11 2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. ՌԻՄՐԶԱՏՅԱՆՍ, վերանայելով Էդգար Գիվարգիզովի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

07.10.2021թ.-ին՝ ժամը 01:25-ի սահմաններում, Երևան քաղաքի Անդրանիկի փողոցում քաղաքացի Էդգար Գիվարգիզովի վարած «Ֆորդ» մակնիշի 0776BP761 հաշվառման համարանիշի տրանսպորտային միջոցը կանգնեցվել է պարեկային ծառայության 2-րդ գումարտակի 2-րդ վաշտի պարեկ Արտակ Շահնազարյանի կողմից:

Պարեկային ծառայողը դնելով արգելիչ «Վարչարարության հիմունքների և վարչական վարույթի մասին» ՀՀ օրենքի (այսուհետ՝ «ՎՎՎ») 43-րդ հոդվածի պահանջով, անմիջ պահանջել է ներկայացնել ԱԳԳԱ պայմանագիրը, սակայն վարորդի մոտ բացակայել է համապատասխան տեղեկանքը:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի (այսուհետ՝ ՎԻՎՕ) 129.2-րդ հոդվածի 2-րդ մասի համաձայն՝ կայացվել է թիվ 8180029722 որոշումը՝ վերջինիս 100.000 ՀՀ դրամի չափով տուգանելու մասին:

Երևան քաղաքի Արտաշիսյան 45/21 շ. 24 բն. բնակիչ Էդգար Գիվարգիզովը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 07.10.2021թ. կայացված 8180029722 որոշումը՝ նշելով, որ իր տրանսպորտային միջոցը եղել է ապահովագրված: Դիմումին կից ներկայացրել է <<Սիլ ինշուրանս>> ԱՓԲԸ-ի հետ կնքված N SO521324 վկայագիրը, համաձայն որի պայմանագրի ժամկետի սկիզբը հանդիսանում է 23.09.2021թ. ժամը 18:25 րոպեն, իսկ ավարտը՝ 23.12.2021թ-ը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 07.10.2021թ. կայացված թիվ 8180029722 որոշումը ենթակա է բեկանման հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ * պայմանագիր: **Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:**

ՎԻՎՕ-ի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

ՎՀՎՎՄՕ-ի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում:

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Նույն հոդվածի 3-րդ մասի համաձայն՝ եթե սույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա:

Պարեկային ծառայողների կողմից տրված պարզաբանման համաձայն՝ քաղաքացի Էդգար Գիվարգիզովը վարչական վարույթի հարուցումից հետո ԱՊՊԱ պայմանագիրը չի ներկայացրել:

Քաղաքացու դիմումի հիման վրա հարուցված վարչական վարույթի շրջանակում պարզվել է, որ 07.10.2021 թվականին՝ ժամը 01:25-ի սահմաններում, տրանսպորտային միջոցը ունեցել է գործող ԱՊՊԱ պայմանագիր (հիմք՝ քաղաքացու կողմից ներկայացարած SO521324 վկայագիրը և Հայաստանի ապահովագրական ընկերությունների ավտոապահովագրական <<ASWA>> էլեկտրոնային կայքէջի արտացոլված տվյալները):

Այսպիսով, դիմումատուի արարքում բացակայում է ՎԻՎՕ-ի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 07.10.2021թ. կայացված թիվ 8180029722 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել էդգար Գիվարգիզովին և պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա. Ումրշատյան